

## As publicacións periódicas de Igrexa na Galicia

Cando IRIMIA se presentou humildemente na VI Romaxe de Cren-tes Galegos aló polo Setembro do 1981, unha longa historia de pro-ectos, logros e frustracións a precedían no eido das publicacións que se autopro-claman "crentes" (católicas), ou "de Igrexa", en Galicia. Velaquí polo que a súa acollida foi entusiasta por parte dos secto-res mais galeguistas da Igrexa, anque este entusiasmo non se traducira logo nun progresivo aumento de suscripcións, es-tancadas practicamente desde hai anos.

Non moi lonxe quedaba o inicio da que chegaría de contado a ser unha publica-ción de prestixio: *Encrucillada*, herdeira daquela outra de grata memoria que mar-cara un fito no periodismo galego: *Logos*, morta co estrondo da Guerra Civil (1936) e que durou cinco anos. Esta última substituíbase "Revista de cultura relixiosa", e a primeira -con criterio máis moderno- "Revista galega de pensamento cristián" *Encrucillada*, que publica cinco números de máis de 100 paxs. o ano, celebrou o seu 10º aniversario en 1986. E que cumpira moitos máis!

Nese eido das publicacións crentes máis de elite cómpre sinalar tamen outras tres revistas galegas: En primeiro lugar *Compostela*, num. revista de investigación histórica e teolóxica publicada polo Centro de Estudos Xacobeos, e fundada en 1956 polo Cardenal Arce-bispo de Santiago Fernando Quiroga Palacios. Trátase dunha re-vista de publicación anual, o mesmo que *Estudios Mindonienses*, ésta da diocese de Mondoñedo-Ferrol, que aparece no ano 1985. Final-mente, *Lumieira*, revista de teoloxía pastoral feita desde Galicia, pero cunha ambigüidade que a fai escasamente galega; aparecida hai uns tres anos, a súa periodicidade é irregular, e o formato é de tipo libresco coma o das anteriores.

Non é este, evidentemente, o campo de IRIMIA, revista que se define "crente" ou cristián, anque de amplo espectro e de informa-ción xeral, na que colaboran xente moi dispar, o seu carácter e eminentemente popular e cun claro compromiso galeguista e fonda vocación de chegar á xente máis sinxela. O seu precedente máis inmediato foi *Boa Nova*, de cuíros promotores saíu tamén IRIMIA; era aquela unha folia dominical que se repartía nas igrexas, e que tiña un talante galeguista e progresista, a pesares do cal acadou ampla difusión, unida ó "Material para a homilía e a catequese" que o acompañaba. Actualmente é *Badal*, publicación de carácter litúr-xico, quen colleu o seu testigo na difícil tarefa de normalizar o galego nas celebracións da Igrexa: ¡Deus lle conserve o ánimo!

Outra publicación de feliz memoria, da que é tamen debedora IRIMIA nalgunha medida, foi o Boletín interparroquial *Fátima*, elabo-rado dacabalo entre Santiago e A Coruña. De formato semellante ó de IRIMIA, anque a unha soa cor, foi sen dúbida o máis digno dos numerosos boletíns parroquiais que se publicaron e seguen a publi-car-se en Galicia. Certamente as publicacións de Igrexa que podía-mos denominar "menores" son numerosas en Galicia, sobre todo as follas parroquiais; a maioría son de claro talante conservador, por non dicir reaccionario. Anque hai dignas excepcións coma a Folla interparroquial *Tambo*, publicada en Pontevedra totalmente en ga-lego, coma *Fátima*, moi contrariamente ó que adoita ser habitual.

É claro, polo que se ve, que o periodismo de Igrexa non ten precisamente moita amplitude en Galicia, nin siquiera en castelán; algúns intentos oficialistas coma *Petrus*, argallada no ano 1982 para anima-la visita do Papa a Santiago, e logo con vontade de continui-dade, non coallaron a pesares de dispoñer dos medios económicos


**boa nova**



RASTREAN-DO  
A  
DEUS  
NA  
HISTORIA

**Encrucillada**

Revista galega  
de pensamento  
cristián



**IRIMIA**

BOLETÍN DE OBRAS GALEGAS



Boa Nova, Encrucillada e IRIMIA, tres esforzos para un mesmo fin

**BOLETIN INTERPARROQUIAL**

Comunidades  
SANTA MARTA  
CARRIO DE  
LAS FLORES  
FATIMA  
S. PEDRO-  
ANGUSTIA  
CARMEN  
DE ABAIXO

JULIO - AGOSTO  
SEPTIEMBRE 1978

NUMERO - 180

**PAPAS E HOMES TAMEN**

BENDITO O QUE VEN NO NOME DO SEÑOR

**PETRUS**



**AS PONTES**  
A NOSA PARROQUIA

ENERO 85



FOLLA INTERPARROQUIAL

MES DE OUTUBRO 85 N. 15

O exemplo de *Fátima* e *Tambo* foi seguido por moi poucos

*Pobo de Deus* e outra publicación de Igrexa feita en A Co-ruña, tamén de moderados plantexamentos, e maiormente feita en castelán a pesares do título, a súa difusión circuns-cribese á cidade herculina.

IRIMIA a pesares da súa cativeza de medios é hoxe por hoxe a única publicación periódica de Igrexa con carácter popular estable. Que veñan máis pero galegas e populares.

Victorino Pérez